

金匱發微

丙子莫春

徐謙躬署簽



金匱要略

同門弟蔣維喬謹署



丙子年陰歷四月出版
丙子年陰歷九月再版

版權所有
禁止翻印

金匱發微全一冊定價大洋叁圓

著作者 江陰曹穎甫

校訂者

丁濟萬 虞舜臣 郭希賢 劉仲華
朱治安 嚴蒼山 管理平 唐仲華
秦伯未 張贊臣 沈石頑 徐柏生
許半龍 章成之 丁濟華 于樹正
陳存仁 諸文萱 程念修 吳炳南
王慎軒 王一仁 姜佐景 裴德炎

上海小西門江陰街三二三號

出版者 曹穎甫醫室

發行者 錢頌霞

印刷者 現代印刷公司

上海同孚路一二四弄十三號

發行所 醫學書局

上海梅白格路二〇四號

分售處 光華醫學雜誌社

上海寶山路顧福里六十九號

金匱要略

世愚姪吳邁敬篆



序

吾國醫學表法久矣蓋自金元以來每喜別樹幟創為
學說以為獨得之秘雖與古人實事求是之學稍異然猶
有獨到之處及至晚近操是業者日趨苟簡僅取脈訣藥
性賦等書讀之鈔錄方彙數百通以為己矣醫學之能
事而於醫經忽焉不講猶陽尊仲景為醫聖問以傷寒
金匱之方論則瞠目而不能對甚有謂古方不可以治今病江
南等真傷寒其搖尾叛道有如牛者此乃生民之厄運
也旁觀日本則研究漢醫者大有其人蓋東洞吉益
丹波元簡湯本求真輩皆有著述行世使仲聖之

微言奧旨，以大明吾國有志之士，多取為參考之資。
古人所謂禮失而求諸野，不其然乎？余忝長中央國
醫館，見醫學之日衰，輒思有以振之，而不可得。適今
年春，沈陰曹穎甫先生本其數十年之心，為以畢生
之經驗，撰成《金匱叢書》，刊以行世，求予一言以為重
予竊惟先生之書，洞頤探微，發揮精義，我而於前
人注疏之不當者，則訂正之，其嘉惠來學，為不少矣。是
為序。

民國二十五年四月維復焦易堂



丁序

醫之爲道隨文學爲消長豈不以通人多則理明市人多則理晦耶自長沙創愈疾之法若
日月光後之儒者不兼治醫以致鈔寫譌謬莫之攷正近世以來國學衰微堂奧寢塞矣江
陰曹尹甫先生中年登賢書博通經子復承其先君子秉生朗軒兩先生遺教兼治傷寒論
沈潛探索務求有得於心不急急於問世迄於今垂四十年矣向在丁卯之歲先生始攷訂
傷寒論盡晝夜之力若攻堅木不斷不釋也如鑿智井不見水不止也注其疑難訂其譌誤
垂四年而後成豈真不憚勞哉誠恐千載而下謬種流傳長沙大法益陵夷而莫之貴也自
茲以往因遂肆力於金匱玉函經按金匱與傷寒相表裏故全書所載若瘧濕喝篇嘔吐噦
下利篇多與傷寒論所載大同小異其餘證治於二十二篇中亦多散見此可知治雜病者
不可不明六經矣但金匱傳寫譌謬處不減傷寒而同證異治與異證獨治之方則尤多於
傷寒故治金匱者自徐尤而外迄無傳作蓋非好學深思心知其意誠未易爲淺見寡聞道
也先生此注成於戊辰冬季爲鈔寫者散佚其半遂成缺失於是重加研核始於癸酉六月
成書蓋又三年於茲矣世固有能讀先生之書者乎吾將拭目俟之癸酉八月嶧縣丁宗興

陸序

曩嘗遇已故某偉人與餘杭章太炎先生相繼演說某偉人陳義膚薄吐辭淺易而聽者傾
耳屏息摩肩重足講舍不能容章先生繼之引據翔實言辭雅馴三數語後聽者稍稍引去
比講畢全舍僅存十許人有假寐者此無他其曲彌高其和彌寡故也江陰曹拙巢先生精
選學詩文書畫俱推絕詣以其餘緒治醫專宗長沙視晉唐以後蔑如無論金元與故名醫
丁君甘仁友善討論醫學互相推重丁君精詣祕術門人子弟所或未知者先生無不知之
二君既年相若道相似然婦人孺子皆知有丁君而丈夫治醫者或未知有曹先生焉此無
他先生拙於言辭不善修飾上海浮夸之地人多皮相故也丁君既沒後生小子轉相依附
竊取勦襲躋於著作人或亦爭相購取風行一時先生出其心得治驗著傷寒發微僕得而
先讀之以經解經精湛允當以爲自來注大論者未能或先而世人顧不甚重視焉嗟乎末
世耳食顛倒是非有如是者僕因章君次公獲交先生久已心儀其人而憤世人之無目今
先生將續刻金匱發微走書責序且囑掄揚以速其書之行僕謂先生書風行與否不足爲
先生重輕不行適足以見先生耳因書其所以知先生之始末以告天下後世之具正法眼
藏者丙子三月後學陸彭年淵雷拜序

許序

歷來治古書者造端於善信而成功於善疑不善信則涉獵而不專不善疑則茫昧而失實考仲景之傷寒雜病論自王叔和編次以來已非仲景之舊其中論傷寒者十卷論雜病者六卷至梁七錄及唐書藝文志所載乃獨存論傷寒之十卷而論雜病之六卷不與焉惟宋時有一本將全書十六卷刪節爲三卷者名金匱玉函要略尙存館閣中其書上卷論傷寒中論雜病下載其方並療婦人王洙於蠹簡中得之以其論傷寒者文多簡略但取雜病以下至服食禁忌二十五篇二百六十五方而仍其舊名林億等校理又取此二卷分爲三卷以符原定之數改顏曰金匱方論卽今之金匱要略是也曹師穎甫寢饋於仲景之學者凡四十年行醫海上以敢用藥聞不屑軟熟阿媢取媚於世所著傷寒發微既已刊行於世騰譽醫林復有金匱發微之輯夫金匱一書治者視傷寒爲少宋元人皆無注釋明初趙以德始有衍義之作厥後較夥就半龍所覩僅五十餘家若黃坤載程雲來魏念庭輩所箋見仁見智都有獨到處而尤在涇之金匱心典允稱精粹師於諸家外能獨樹一幟不爲前賢學說所囿於原文又多刪訂計藏府經絡篇一條痙濕喝篇者一條百合狐惑篇一條瘧病篇一條五藏風寒積聚篇七條痰飲篇一條驚悸吐衄篇二條瘡癰腸癰篇二條婦人產後篇二條婦人雜病篇四條凡二十二條其他說解特異之處尤不勝枚舉所爲勞神苦形於百疑求一信者蓋類如此矣顧師特隱於醫耳師工詩古文辭善墨梅酒酣耳熱紅牙一曲又復側豔動人半龍於壬戌之秋始獲侍於左右今歲春師年七十矣同門等環請將所著金匱發微壽諸梨棗師笑頷之而命半龍爲之序語云上醫醫國其次醫人其所爲壽者大矣固非鋪張揚厲如習俗之徒爲焜耀者所得同日語師其掀髯而進一觴乎丙子清明門人吳江許半龍謹序

章序

昔先兄病陽明大實證時醫不知急下存陰競投增液諸劑遷延數十日竟以枯爍死先君痛之乃命成之讀成無己所注傷寒論逐日講授必成誦而後已曰明乎此則醫學根本已立後此之紛紜聚訟胥不能搖奪之矣成之謹受教及卒讀三陽三陰證狀治法已粗得梗概方期博覽旁稽以求深造又不幸失怙受遺命遊學上海中醫專校時江陰曹穎甫先生任講席成之親炙議論知其寢饋於仲景遺書者垂四十年不尙空談惟憑實驗每於修業之暇執經問難商榷疑義反覆不厭先生亦許其可造謂他日傳吾衣鉢者當在此子固知獎借之語不無溢美然竊喜庭訓師承之有合也及戊辰年先生成金匱發微先生之年已六十有一成之出重貲覓工書者鈔錄甫及半後半部草稿爲其同居者借閱零星散佚僅存十之四五付梓之願格而不行及庚午年成傷寒發微既於辛未歲刊行傳世成之乃命門人謝誦穆郭鴻傑等收拾叢殘鈔成三數卷還之先生先生隨命長君湘人錄之先生復勞神殫精補注瘡癰以下五篇而金匱發微始有完書即今之續付手民者是也竊惟先生之學提要鉤玄詮解精當固不待言而其尤卓異者凡經文之錯簡必校訂之前人注解之謬誤必糾正之復取平日經驗方案附於經文之下以明仲聖方治效如桴鼓使後之學者循是以求不難入仲景堂奧爲其信而有徵也成之從遊先生於今垂十七年益以少日趨庭之訓致力於仲聖之書實專且久爰不揣樸昧而書之丙子三月廿八日門人丹徒章成之拜撰

秦序

戊午秋余從丁師甘仁遊聞江陰曹尹甫先生能詩古文詞心儀之居數月鬱鬱寡歡私袖近作往謁於廈門路寄廬先生見之曰纏綿悱惻此詩人之詩也吾私淑漁洋數十年新城嫡乳將屬斯人乎余唯唯時居停季君仲文在座遽握手言懽曰今而後吾得一畏友矣自是過從日密有所作先示仲文先生則或爲評點或竄易一二字或竟棄置以爲毋庸存興之所至時亦濡毫攤紙唱和共忘寢食焉翌歲許君盥孚來同學亦能詩近選體遂約每七日啜茗於明泉樓藉圖永日歡並邀王君均卿暨于平施徐少楠王一仁嚴蒼山章次公諸同學組織滄社擇半淞園爲觴詠地詩酒之盛一時無兩迄於今回首前塵忽忽十七年矣會先生有金匱發微之削青命序於余余交先生深於信古醫派良非心好不敢掇浮詞進聊述知遇以誌因緣今者均卿平施作古仲文以痿躄居鄉一仁遠客武林餘者或以意見不孚蹤迹稍疏先生亦幡幡垂老余則哀樂相乘無復當時豪興不禁俯仰今昔而有餘感也丙子二月詩弟子秦之濟拜稿

是篇於本書略無關係而文氣夷猶宕往雅近歐陽六一不忍割愛姑附於成之序後以資展玩此正如施愚山所謂題目雖差文字卻佳者世有解人當不河漢予言拙巢

姜序

讀書不難。讀中醫書則難。讀中醫書不難。讀傷寒金匱則難。讀傷寒金匱不難。能融會而貫通之則難。融會二書而貫通之不難。能重實驗。捫臆測。註釋之。喻人以真知則難。註釋二書而喻人以真知不難。能臨證施治。胥用經方。行與言合則良難。註書臨證行與言合不難。而能一劑知二劑已起。沉疴於頃刻。挽天命之將傾。則大難。然而藥到病除。巧奪天功。猶不難。藉於醫術之外。並茂醫德。惻隱之心。油然而慈悲之懷。沛然遇貧病。輒施藥。過富家不矜功。風雪交加。不能阻其駕。千里迢遙。不足撓其願。彷彿乎天使之下。凡登斯民於衽席。能如是乃萬難。今有仁人焉。皓然白髮。靄然和顏。竟能運此萬難若反掌。歷數十年如一日者。則七十翁拙巢老人。吾師江陰曹穎甫先生是也。

先生夙承家學淵源。復寢饋於仲聖之書者四十餘載。以庚午年成傷寒發微。刊行於幸未年。然先生虛懷若谷。不肯標榜。故雖驗案纍纍。而傷寒發微中不多覩也。先於戊辰年著金匱發微。納章氏次公言稍稍入治。驗於其中。珍藏迄茲。蓋又歷八寒暑矣。迨佐景從師遊。展卷拜讀。方恍然知甘草粉蜜湯之粉爲鉛粉。蒲灰散之蒲爲大葉菖蒲。蛇床子散本治陰中癢。而溫陰寒之坐藥。當爲吳萸。蜀椒丸蜘蛛散並不毒。而能治狐疝。如神。此皆先生所獨驗。抑亦千古之卓識也。更知皂莢丸之治欬逆。上氣訶黎勒散之治氣利。初不嫌其蕩滌太峻。抑或收瀉過專。又知一物瓜蒂湯之治太陽中喝。病者微汗。卽愈。絕不吐。亦不下。與本經吐

下之說迥殊。奔豚湯之治奔豚，有賴甘李根白皮之功，適與外臺之方相合。復見葶藶大棗瀉肺湯之治肺癰，大黃牡丹皮湯之治腸癰，化險爲夷，不勞解剖，推至桂枝芍藥知母湯之治歷節，桂枝加龍骨牡蠣湯之治盜汗，與失精無不如響。斯應別有發明。若夫麻黃加朮湯治風濕之初起，微汗而解，免致有濕溫之變。射干麻黃湯之治喉中水雞聲，痰平輒愈，亦無所謂肺病之慮。是又豈近世醫家所可梦想而幾及也哉。綜上名貴之治蹟，不唯他書所無，有縱求之於湯本求真氏之皇漢醫學，亦有所不可得者。夫皇漢醫學一書，乃日本諸名皇漢醫家成績之薈萃，風行我國，學子奉爲圭臬。今金匱發微既有過之，則其實際之價值，亦寧有涯涘哉。

抑尤有進者，先生之學既臻化境，遂視親歷之奇特醫案爲不足錄，甚或棄之不稍惜。而他人偶獲其一鱗一爪，又靡不拱若珍璧，函以金玉。孟子曰：口之於味也，有同嗜焉。嘻，是豈偶然哉。佐景不敏，侍診數載，虔求師道之發揚，爰選集先生醫案醫話都二百餘則，益以佐景讀書臨證之心，得彙爲一集，恭秉師命，顏曰經方實驗錄，蓋紀其真也。茲是錄已分期刊諸全國各醫學雜誌之中，以快讀者之先覩，並作發微之印證。夫然後仲聖之大道得復興於今日，病家蒙其福，醫者增其榮，更不復有醫難之歎，方符吾師之夙願矣乎。佐景樂觀金匱發微之發刊也，敬書此以志喜云。

太歲在丙子五月

門人瑞安姜佐景謹序

金匱發微目錄

卷首

序

丁序

陸序

許序

章序

秦序

姜序

第一卷

藏府經絡先後病脈第一

痙濕喝病脈證第二

百合狐惑陰陽毒病脈證第三

瘧病脈證第四

第二卷

中風歷節病脈證第五

血痹虛勞證治第六

肺痿肺癰欬嗽上氣脈證第七

一

一九

三五

四六

五三

六八

八一

奔豚氣病證治第八	九一
胸痹心痛短氣脈證第九	九四
腹滿寒疝宿食脈證第十	一〇〇
五藏風寒積聚脈證第十一	一一三

第三卷

痰飲欬嗽脈證第十二	一二五
消渴小便不利淋病脈證第十三	一四六
水氣脈證第十四	一五四
黃痺證治第十五	一八〇
驚悸吐衄下血胸滿瘀血脈證第十六	一九三

第四卷

嘔吐噦下利脈證第十七	二〇一
瘡癰腸癰浸淫脈證第十八	二二七
跌蹶手指臂腫轉筋狐疝蚘蟲脈證第十九	二三四
婦人妊娠病脈證治第二十	二三九
婦人產後病脈證治第二十一	二四八
婦人雜病脈證并治第二十二	二五六

金匱發微卷之一

漢南陽張機仲景撰

江陰曹家達穎甫註

藏府經絡先後病脈證第一

問曰。上工治未病。何也。師曰。夫治未病者。見肝之病。知肝傳脾。當先實脾。四季脾王不受邪。卽勿補之。中工不曉相傳。見肝之病。不解實脾。惟治肝也。夫肝之病。補用酸。助用焦苦。益用甘味之藥。以調之。肝虛則用此法。實則不任用之。經曰。無實實。無虛虛。補不足。損有餘。是其義也。餘藏準此。

此節借肝病傳脾。以明上工治未病之說也。肝藏血。虛則其葉燥挺。而壓於脾。脾氣鬱。則痛延腹部。遂有腹中急痛之證。傷寒論云。陽脈急。陰脈弦。腹中急痛。先予小建中湯。蓋桂枝湯。其味甘。加飴糖。則其味甘。內經所謂肝苦急。食甘以緩之。卽實脾之說也。脾王不必泥四季。但溼土當旺之時。卽是。長夏用小建中。卽病脹懣。故曰勿補。中工不知因肝藏血虛之故。而用甘味以實脾。而以小建中湯爲治肝補脾不二法門。則大誤矣。蓋肝之本味酸。而中含有胆液。則苦。肝與胃同居膈下。而胃實爲生血之原。肝胆之液滲入胃中。並能消食。寒則吐酸。肝之液也。熱則吐苦。胆之液也。要之爲胃氣不和。胃氣不和。則無

以資肝藏之血。且溼勝則肝胆不調。故多嘔溼之所聚。虬病乃作。然則所謂補用酸。助用焦苦者。以烏梅丸言之也。但焦苦當言苦溫。以烏梅之酸。合細辛乾姜蜀椒桂枝附子之溫。及黃連黃柏之苦燥。而後胃溫溼化。肝胆之鬱。方得條達。更有胃中虛寒。乾嘔吐涎沫。而專用苦溫之吳茱萸湯。而不用酸以補之者。此證寒溼初起。肝藏未虛。故但需助胃陽而止嘔也。若夫益用甘味以調之者。乃專指建中湯言之。以上三法皆爲肝虛而設。凡病虛則生寒。實則生熱。故有肝乘脾。肝乘肺。而刺期門者。亦有厥深熱深而當下者。亦有肝實血熱。熱利下重。而用白頭翁湯者。若不問虛實而概用建中湯以治肝。補脾不病。脹瀼。卽病煩燥。故曰不任。用之無實實。無虛虛。補不足。損有餘。當是古內經文。見扁鵲難經。酸入肝至要妙也。一段述中工謬論不著緊要。特刪去之。從黃坤載懸解例也。

夫人稟五常。因風氣而生長。風氣雖能生萬物。亦能害萬物。如水能載舟。亦能覆舟。若五藏元真通暢。人卽安和。客氣邪風。中人多死。千般疢難。不越三條。一者皮膚所中。經絡受邪。內入藏府。爲外所因也。二者四肢九竅。血脈相傳。壅塞不通。爲內所因也。三者房室金刃。蟲獸所傷。以此詳之。病由都盡。若人能養慎。不令邪風干忤經絡。適中經絡。未流傳府藏。卽醫治之。四肢纔覺重滯。卽導引吐納。鍼灸膏摩。勿令九竅閉塞。更能無犯王法。禽獸災傷。房室勿令竭乏。服食